

南潯志卷四十二

里人周慶雲纂

大事記一 史案一

賈恭庵日記順治十八年辛丑十二月湖城逆書案起烏程南潯相國朱文肅名國禎博學多著述有良史才作明書大事記大政記大訓記俱係天啟時所刻又有明書一部做史記廿一史例未刊然其論贊大抵俱稱朱史氏其未刻之明史亦然相國沒後其諸孫貧因以其稟出售於人潯中有貢生莊允城者字君維家富長子子襄名廷鑑有才而警欲以警史自居購得此書稿乃聘諸名士茅元銘吳炎吳楚吳之銘吳之鎔張雋唐元樓巖雲起章全祐蔣麟徵潘檉章約十六七人羣爲刪潤論

南潯志

卷四十二

大事記一

一

斷又以史中未備者采鄉先達茅瑞徵五芝紀事及明末啟禎遺事名曰明史輯略求庚辰進士李令哲爲之序刊成於庚子冬發賣而湖府學教授趙君宋温州拔貢極生事害人者適杭州舉人查繼佐字伊璜貢生范驥字文白陸圻字麗京三人夙有文望莊欲借其名刊之參訂姓氏中三人以不相聞且未見書十二月遂具檢明呈於學道胡尙衡批湖州府學查報趙卽刻買書一部係葉聖基店賣價銀六兩命本學廩生俞世禎卽陳旦升係杭州人爲之檢閱磨勘摘出數十條出榜列於學門又爲通詳莊遂告君宋於守道莊係大有力者向拜前守道現任通政司王元祚門下卽將書三部呈送通政司禮部察院三衙門謂事可消弭矣乃本府知府陳永命係王辰旗下進士由庶吉士升任

其本房師李廷樞爲江南吳江人丙戌進士翰林前任浙江糧道與歸安知縣吳之榮對揭俱問絞赦出聞趙君宋發莊事亦

買書一部在袁祥甫店與掌店王起蛟買至陳府衙中謂奇貨可居也苞苴到

與陳共享之乃莊託府書周國泰餽陳數千金陳竟弔出書板

劈毀置庫李竟無所獲遂將此書轉交吳之榮蓋先與吳訟俱

議絞赦後復相好結姻也吳挾以詐莊而莊不應遂構鎮浙將

軍柯奎莊託府諸生徐秩三名典者轉央松江提督梁化鳳致

書餽禮於柯事竟解而之榮益憤竟親之莊家冀其稍餽以解

慙而莊復告於守道張武烈謂罪令贓私既完相應離任何得

踞任詐人無已守道亦恨之榮在湖州橫詐三年得贓約數十

萬遂立押出境吳憤極復圖詐朱佑明董帷儒董應命朱見莊

南潯志

卷四十二

大事記一

二

得勢且其子彥紹謂佑明云以罪令圖詐數千金卽應之萬一

現任撫督提營羣起效尤竟以家業讓之乎朱亦遂不應吳登

朱莊之門兩家男人躲避令婦女數百人羣詈之而守道差官

兵衙役數十朱莊賄之立時逐押境外直過吳江始回吳之榮

必欲雪恨隨進都竟構旗下以造寫逆書爲題而加朱史氏卽

朱佑明刊一條增入書內首於刑部康熙元年冬初差滿官羅

多等至湖州庫中弔板新任知府譚希閔字九子丁亥進士方

到任未及數月實不知情而刑廳李煥寧國人壬辰進士在任

甚風力有才獨專任書吏施鯨伯當趙君宋通詳時莊託施鯨

伯賄之因批其文書云此書既經呈報通政司禮部都察院三

衙門已非秘書等語本年冬盡莊允城到京瘐死於獄磔其尸

而次年正月二十日滿官絕早到湖州閉城門吳戴兩滿官帶
旗下披甲數百并杭嚴道及部撫標兵又數百人令城中文武
各官分頭密拏城中所親見者長橋李霜回家父子兄弟祖孫
奴僕內外男女家口約數百十人俱就縛上冊內中尙有來拜
年親戚及鄰舍來看者俱并擒縛其餘南潯朱莊各家又拏數
百十人 先是吳之榮專恨莊與朱二人而其餘參訂姓氏俱
與之無仇恨故將序文及參訂諸人數頁俱扯毀而僅將朱史
氏卽朱佑明改刊一條呈首迨諸犯解到杭州俱在滿洲營內
看守鎖禁適朱佑明與趙君宋同係一處營兵看守朱知趙爲
首先舉發者遂告趙云趙老爺係有功之人必受重賞若得救
我一家情愿分以家貲之半趙貪其貲數十萬至審時遂云此

南潯志

卷四十二

大事記一

三

書不全姓名亦不甚的確犯人有書一部業經細查姓名一些
不錯蓋以其書中朱史氏下無卽朱佑明四字也二滿官督撫
卽令杭嚴驛傳二道帶兵丁衙役鎖押趙君宋至湖府學署內
起書一部在壁厨內取出押解到案而參訂十八人及李霜回
俱全家抄滅連及親戚交鄰不知幾千百人而趙君宋亦以藏
書之家處斬矣蓋吳之榮向與李霜回相與故首誘去序文
因在京夾莊允城故招出李霜回做序文因而李有名指捉然
未嘗實見序文莊已先死吳不能質對李尙可遊移也自趙書
一出而無可救矣 朱佑明作孽深重天道難以挽回當時已
尋頭路解救弄巧成拙時撫院朱昌祚亦係旂下其標下傳宣
龔廷元名黃武進士金華人係湖州潘協鎮女夫佑明業已尋

渠關通於撫院以數萬金僅一身流徙不累家口不致籍沒已議定押起矣乃佑明之子念紹爲杭州壬辰進士王羽之妹夫王尋南關圖賴託其賂救竟致兩滿洲吳戴二人謂路又真價又省於朱撫院遂悔前議昌祚大恨立至戴吳處告云杭州人鬪傳朱佑明爲敵國之富今以百萬託南關圖賴來賄囑兩位老爺求免他這原告吳之榮不是好人恐其首發我輩俱要死了這禍事不小特來報知言未終而圖至戴吳二人指天誓日不容圖開口而去隨帶朱佑明出審細問逆書情事始末幾時造寫起的朱誤以爲關節已到因云此前朝朱相國所作故稱朱史氏其子孫窮了將這稿本賣與莊允城莊廷鑑莊廷鉞家因講了一夥有才學的共造成了刻的小的是不識字的如何

南潯志

卷四十二

大事記一

四

曉得造又問云你旣不在裏內造如何得知明白朱佑明云因同在南潯鎮住所以曉得又問你旣知得明白如何不出首朱云不曉裏邊寫的字所以不首朱昌祚云明係知情同謀寫造的因令吳之榮與朱佑明對質佑明復辨非朱史氏甚力其卽朱佑明四字係吳改刻添上誣陷的吳之榮云板上張張有清美堂三字今朱佑明南潯屋內現挂清美堂在上何得狡辨因立差杭嚴驛傳二道帶領官兵衙役同協鎮高鼎及烏程知縣鄭宗圭總捕顧五經等同到南潯朱佑明家起扁到杭遂定獄矣蓋此時湖守道張武烈湖州府譚希閔刑廳李煥俱鎖押在營故僅差杭嚴等官耳 朱佑明原住石橋浦祖上世爲木匠其父亦作木匠至其兄始爲商於楚中及景德鎮買碗遂積貲

至八千餘金明崇禎間其兄死將資交與佑明蓋兄弟同居共
爨者也到明末佑明家有十餘萬矣將國變其門下估客皆欲
避亂恐貨不交出異日萬一失所悉將碗貨及藥材各項桐油
染料等項俱交與佑明後各處亂離商貨不通頓高十餘倍由
是而其家貲竟有百萬矣張雪封以兄之子妻其次子彥紹甚
趨奉雪封雪封之弟南紀素豪橫以趨奉者降於雪封一等南
紀遂大恨時杭之督織造者爲太監盧九德當時取各府富戶
爲局內堂長掌買絲供役朱佑明以富充局內堂長而石橋浦
臨太湖盜賊出沒其間佑明以上供絲斤恐有疎慮因招募武
勇置買備盜軍器鎗刀砲銃之類無不備具張南紀遂搆分守
道史儒綱溧陽人在洪督師標下效勞升是缺謂其私蓄軍器儒綱卽點兵役明

南潯志

卷四十二

大事記一

五

早出城而標下聽用潘戒如者連夜先洩其機於佑明佑明卽
將所有軍器悉投之太湖中儒綱至徧搜無獲而兵役見絲斤
貨物之類烏能無染佑明立報九德具疏參拏儒綱以朝廷職
員搶奪御用袍絲下獄擬斬後遇赦減等改絞囹圄五六年恩
赦免死由是而佑明勢燄彌天草菅民命至罪惡貫盈天乃假
手於吳之榮耳丙申年與嫡姪朱繹先號克燕者分家僅以五萬金與之繹先訟於張知府謂家資三百萬以
上俱克燕口述者朱佑明以石橋浦臨太湖防盜戒心遂買南潯董

氏大宅費數萬金改造每門必內外開合兩重釘以石外加鐵
皮包裹眞大盜而無畏者諸大家莫不與之婚姻在城若張若
姚若潘杭州則王曹溪則金時金太傅家居在籍朱佑明南潯
屋旣落成因邀金至潯看新屋張戲留飲數日金宴畢歸諸子

跋宋漢充迎問朱之新屋如何金云在一大貨船中住數日耳
諸子問故金云在浪船卽有一扁矣朱聞貨船之說則大惡適
其甥韋甲曾買朱相國家堂扁一張題名清美乃董思白的筆
款書朱老年親臺乃天然湊巧者韋甥卽以送佑明挂堂中今
各官押吳之榮同至朱屋取其扁去對簿朱無可置辨遂問朱
凌遲三子及姪繹先俱斬妻女俱配旂家產籍沒 吳之榮又
質將軍柯奎奎聽梁化鳳情乃徐秩三領莊允城拜梁門下受賄
發書與柯奎奎聽情竟不理逆書事因提梁至杭質對柯奎奎爲
吳之榮折倒不能隱諱化鳳係大功臣且重費因得對筆跡謂
非梁手書係徐秩三假捏者乃將徐秩三解京處斬柯奎奎以滿
人不識漢字免死革其將軍歸旂以上乃徐秩三之父徐戡生
所述徐名寶扶松江人湖諸

南潯志

卷四十二

大事記一

六

生其父號培元在
湖城行醫有名

李霜回名令哲天啟甲子舉人榜名木實

後改名本實字木生最後改今名中庚辰進士頗有文名知江
陰縣壬午分房取張星瑞戚藩史燧等皆知名士也宏光時升
禮部主事順治甲午乙未後已病瞽不能出門而莊君維之書
成須一序文時廷鑑已死其次子廷鉞字左黃與費夔一名爾
莊者結徵書社有名因欲費韞生撰序而君維以韞生無文名
遂用李霜回而李次子宏士號初燾亦係左黃同社以四幣十
二金送李而宏士又減半呈父遂央甲子同年陶子固名鑄者
代作左黃又欲列夔一於參訂姓氏內適夔一至潯中延款而
夔一多言好喧席終夜號呶君維以其狂易輕薄遂不列名霜
回當壬寅秋聞吳之榮有舉首事謀以千金令陳紫菘至都求

吳救解約已定至次日而出之吝也事敗其室中所藏竟爲姚子莊承佃而得人皆云李之先世爲訟師故有此慘報也霜回二弟次名雲木歸安學生三素有疾赤貧李之家人視之同豚犬後竟同誅夷陳紫菘云其家中不孝不弟慘薄之甚原屬不祥雲木有官銀飛出求救於霜回乃以舊圓領數事令當迨籍沒則家貲亦數萬金其烏盆巷書屋名是山者所藏悉爲姚子莊所有且平素有公事會議默無一語公書公啟概不與名其謹慎畏蒞無過之者而竟掇大禍如此

此皆潘孔邃所言莊左黃乃孔邃之婿

陳紫菘爲李氏嫡親表弟待之素厚後籍沒時皆其經理李長孫書垂年二十餘應斬紫菘與費恭庵商議費貲改名王綸又買出一愍不畏死之金佩源假姓王認之爲姪因得免殺而李

南潯志

卷四十二

大事記一

七

之嫡長媳姚氏係吏科姚敬輿女姚恐禍及之遂令伊女認爲繼子卽書垂所生親母也部撫審經十餘次佩源亦數受刑訊抵死不改口謂我王家兩代惟此一子因與李有表親暫時過繼一番適到李家拜年故并捉之在內的姚氏亦供自幼過繼者因得免死充軍書垂爲塔下徐君房婿相聞討差回南已入贅生一子今聞書垂已死於關外又宏士一子方五六歲爲道場山王大才妻所乳向定吳青雲女當捉時幸逃出流離瑣尾今聞已畢姻 陳永命旣受莊氏之賄追板劈毀置庫還李廷樞之原書李遂轉搆前縣吳之榮之榮在湖先已詐人三年此書入手而大禍遂起矣之榮首莊允城朱佑明查伊璜等共造此書至公庭質對亦齧定查伊璜等主筆查以遞檢明呈於學

道胡尙衡吳復質其不首於督撫而獨首於學道明係借此得贓名實兩遂之計況此書實係查等主筆做成的以故學道胡尙衡以其不卽申督撫弔書查究著鎖禁看守在營守道張武烈以趙君宋申詳不卽查究轉報督撫反准莊允城告吳之榮詞俱著鎖禁看守在營內兩道俱重費乃得辨明免死復任而知府譚希閔以逆書板在庫不行舉首譚云係前府陳永命事弔庫吏周國泰詰問則云已有陳知府交盤冊存莊允城家明書板一副遂以知情不發絞死湖推官李煥以批趙君宋詳文有呈送通政司禮部察院三衙門字樣謂之故縱亦絞蓋三衙門官重費故殺李以滅其口也署烏程縣學歸安訓導王兆禎訓學不半月而事起發莊廷鉞到學取收管時莊允城已拏解

京壬寅十月也學中無監舖令該路門斗鄧攸之看守莊族人及戈明甫等共六人寫一保狀保去而莊廷鉞以父允城隨滿官吳多等拏去放心不下卽連夜進都適歲暮莊允城瘐死已剝尸廷鉞收其骨肉至次年癸卯二月復到浙投到而浙省督撫及滿官已拏縱放教官王兆禎看守鎖禁在營後兆禎絞死原保莊姓生員俱書中參訂有名五人皆凌遲其保人戈明甫亦斬當時查伊璜看守鎖禁在營無計可施只得飛差人到廣東總兵吳六奇處求救得免於難 吳六奇者不知何許人二十餘年前查伊璜在家值冬盡大雪查結社做會送客出門見門外一少年丐者僵臥雪中查訝問之彼云貧甚衣食不給查命之進舍問其所能則云但能飲酒不醉耳查酒量頗高遂留

之與以敝衣履快飲三日至天霽贈以數金而去亦不問其姓名住址至順治末已越二十年查有相好在廣中作縣因遊於廣在城中過適一大官過查立道旁大官在轎中見查卽命從人來問云此非浙江海寧查爺乎查答云是也遂以騎拉查進署因跪拜查皇恐不知何故彼云故人寧忘之乎查云實健忘不識荆州矣彼云在宅上快飲三日何遽忘之查豪飲者無日不挾客以醉因只想衣冠交遊者茫然無以應彼云我吳六奇也在平南王下爲兩廣提督當二十年前雪中僵臥曾留飲復相贈久圖報今幸相遇殆天緣也查方想及昔日之丐者矣被留署中盤桓謂查云汝相好所贈有限我藩下浙省有當舖估客卽寫會票贈以千金而裘馬衣裝盤費又及千金查夢想不

南潯志

卷四十二

大事記一

九

及獲此大利然見其威勢赫奕亦不敢細問其二十年來行事也自查爲逆書事危急令人飛騎到廣當時平南勢正盛吳卽爲營解故滿官督撫上本俱依吳之榮口供謂係同謀造逆而定案時則以查伊璜等三人雖不比吳之榮之發覺亦係首事之人依律頒賞故吳之榮廕官拜他給與朱莊各犯財產十分之一查伊璜范文白陸麗京亦稍頒給什物器用余親見船泊慈感寺前領朱莊廚桌家伙什物約十餘舟載去轉禍爲福眞回天手段也至康熙戊申夏湖州府吳綺豪華甚查與之有交帶女戲一班到湖寓金婆樓沈敬所家余友倪東萊名滄者歸安學諸生特投晚生刺面詢吳六奇事而查自述其情事如此

按鈕琇觚賸王士禛香祖筆記蒲松齡聊齋志異汪价嘯旨記六奇事並與此大同小異唯吳騫拜經樓詩話據查繼佐所作

敬修堂同學出處偶記云己亥余客長樂潮鎮吳葛如以厚幣邀余至其軍又云世相傳余初有一飯之德葛如方布衣野走懷之而思厚報其實無是事也因謂出于傳聞之過或以其既貴而爲之諱皆未可定今攷秀水沈起記丐夫陸晉事云武林畏吾寺山門之側有異人焉喜爲乞姓名不傳破袋竹筒每掛書一卷倚徙市門出書朗誦見者笑之東山查伊璜先生曾敘其事云庚午余就秋試寓寺中偶出見丐異之急前揖丐丐遂抗禮不下曰世無知我公等差可與言余固懇請釋丐而借吾遊爲之櫛髮濯體解衣飾之間其姓氏家世不答因從同乞者得其故係新安世族陸晉也余同人中董治升頗饒於資乃迎養晉于治升家強之就童子試得高掇及再試僞赴而野脫主人供奉甚豐終不樂也乃謀于余余曰君家多大紀綱勉集一鄉塾請晉爲塾師出入民間可自便晉欣然從之值寒食晉假館事過東山草堂索余詩稿而去至重九余過治升家訪晉治升嘖嗟曰晉昨晨起不告我竟去不取束脯棄其衣履并東山詩稿亦隨之去矣是後西北多事傳聞不一或云自浙而楚而豫而燕出關東遂爲瀋陽人竟不知所終及東山累于潯案拘繫司寇相傳有于旗員之側百口先生宛者以是對簿時筆帖式下階向先生問安先生漠不解何意既留北司火房復有人傳語云公幸無恙前所借詩稿尚在也而晉卒不見東山吳越人皆傳吳潮陽六奇非也按起

壬寅秋朱撫院委刑廳李煥

南潯志

卷四十二

大事記一

十

觀風而夔一以多奪桌橈與趙君宋相關夔一云莊君維莊左黃爲汝所詐我費夔一不怕汝也君宋遂扭夔一稟煥煥云我知爾爲公子何得如此放肆眾友爲之跪稟得釋至癸卯正月逆書之獄起莊左黃李宏士輩俱與夔一至交而趙君宋又與有隙惴惴不寧自二月至五月逃居沈沈秋湄家直至五月廿六獄決諸人俱死始回來 戈明甫者烏程縣民壯專差牛稅當稅牌莊君維南潯有油車當舖故戈時至其家戈亦善事莊故莊待之加禮貌適南潯有釘柵結甲事在祇園寺公議莊以齒長居首席其下則金跋宋金漢充陸與口董帷儒等約十餘人在座時縣中有差船十餘駐泊羣居小慧謂人能到寺中與諸人作揖就座者眾當釀分設席雇妓陪酒陪宿戈云我能之卽

到寺見莊君維莊素與往來禮貌之起與之揖讓以賓禮而其
餘以次照莊遜揖拱之上坐戈卽辭出眾差俱歡呼釀分未免
聲張而金僕在船者與差船同駐聞其事卽縛戈過船俟跋宋
兄弟回船發落眾差大窘隨令人密報君維君維卽告金云適
有一戈姓與寒家有表親分尊在城中住弟挽之完錢糧實非
衙役也適其鄰居有差船到鎮附舟到弟處有所言故來至此
弟與之揖承諸公皆禮貌之茲聞金老先生尊管縛之過船還
求推弟薄面釋之金昆弟原未嘗知卽喝僕輩釋之戈得周旋
體面銘感異常故王寅冬烏程縣押莊左黃取保已有莊氏生
員五人必要無前程者一人徧求未得其人戈感恩卽時應命
俄左黃卽逃至京而戈竟以縱放重犯殺身也 陳永命旗下

南潯志

卷四十二

大事記一

十一

人王辰進士由庶吉士轉部屬升湖州知府居官甚嚴酷且貪
其房師李廷樞以明書輯略構詐莊君維陳之庫吏周國泰受
莊託賄永命數千金遂追書板劈毀將原書回還廷樞訖廷樞
復轉構吳之榮起逆書大獄王寅冬永命奪官去至山東臺兒
莊聞吳之榮首逆書事懼罪自縊死店中後追其尸柩到杭州
磔尸爲三十六塊其弟江寧知縣陳永賴亦斬妻子俱配旗下
爲奴 李廷樞江南震澤人丙戌進士由庶吉士陞編修歷浙
江糧道與歸安縣知縣吳之榮相惡時例浙有兩糧道一則押
糧舟進京一則在省督次年運王辰冬押糧之道旗下人在省
者爲廷樞之榮以廷樞未當事餽禮甚菲廷樞怒責之之榮遂
大詬詈廷樞因與歸安學諸生張枚生名辰生者素相識遂託

之尋之榮款送廷樞揭參之榮知其情乃脅枚生尋廷樞款亦對揭之於督撫兩皆題參革職俱審實擬絞在獄五六年後遇恩赦免死遂復與之榮聯姻因而起逆書之禍後審時以廷樞不自爲發覺乃轉託之榮責四十板將擬以罪之榮爲之苦懇謂非廷樞以書託我首我何由首發彼因病不能到京耳乃免其罪而以書估王雲蛟處斬 吳之榮江西撫州人順治庚寅任歸安知縣有才而敢作敢爲糧道李廷樞揭參之庚子年遇救出獄坐贓八萬時刑廳李煥所任之書辦施鯨伯向係縣糧書爲之榮寵任者隨即以里民出名謂感吳恩德情愿樂輸乞令吳到湖贖可立還煥爲之具申督撫允詳之榮遂至湖州擇人而噬富民大家臥不貼席日日捏人拷詐多者數千少亦累

南潯志

卷四十二 大事記一

十三

百在湖三年所詐之贓約數十萬最後思詐莊允城朱佑明等不遂而有首逆書之事流毒數十家殺人無算 李煥寧國人壬辰進士初選江西某府推官分房取中張貞生後爲戊戌科會元因丁艱起補湖州府推官順治庚子春任居官甚風力言辭忼慨上官甚重之惜傾聽衙役遂爲書辦施鯨伯所誤莊允城明書爲趙君宋通詳到案刑廳爲督撫耳目遂重賂之其詳文批出這書送呈通政司禮部都察院三衙門後事發三衙門重費隱諱其事因欲滅其口讞詞遂云李煥故批三衙門字樣擬絞而死 譚希閔字九子揚州人丁亥進士任浙江推官甲午分房取中吳光沈鵬凌焜潘嗣德後升卿貳至康熙壬寅夏任湖州知府居官清慎仁慈不數月而逆書案起都中差滿官

到湖弔板譚尙未知此事審時謂汝爲知府乃不知府內庫中
事問庫吏周國泰則云交盤冊上寫明蓋國泰卽前任陳永命
之通賄者也因卽擬絞於五月廿六日同李煥王兆禎俱死於
杭州錢塘門外 李繼白乙未進士爲蘇州滄野關主事以買
明書處斬以藏書之家不行首發也其餘買書者亦皆盡斬以
未詳名氏不記 陸璘字湘遠南潯人出入莊君維之門明史
紀略璘爲總裁尋館於蘇州之徐氏主人富而有勢璘淫其閨
女主人恨甚重費以劣行告學道黜革批府陳永命究擬此庚
子夏事君維刊去其名而不意刊去反以爲福也

陳寅清榴龕隨筆烏程朱文肅國禎致政家居留心史事所著
有大事記其已付劄牘者謂之史概未刻者尙多也祕藏於家

南潯志

卷四十二

大事記一

十三

後因寇盜有莊氏賃朱氏之居其子子相廷鑑偶見此書竊爲
已有招集知名之士妄以己意增損于其間而朱氏原本遂汨
沒矣子相旣死乃父君維允城於鎮北圓通庵召匠刻之凡五
年而告成號曰明書不知利害冒昧從事且自以爲不世之業
誇張其事一時趨附廁名于其間豈知遂召大禍也先君子每
扼腕太息曰可惜文肅公一生心血付之東流然取非其有立
名非眞者定有奇禍天理昭昭可畏也 朱氏之書至啟禎兩
朝而止耳竊之者子相也續之者所聘諸子也受其子臨死之
屬而必欲刻之者君維也與其幼子左黃廷鉞無與也左黃一
紈袴少年耳當科試不得意其妻爲買妾以娛之建百尺樓于
後圃雜莖花木日與文士豪飲于其中刻百尺樓詩草乃父聞

之弗善也後爲兵備使者所賞相見留茶款語父乃大悅及父就逮左黃隨護維謹及見司敗已暗不能言乃頭觸獄門而死左黃頭棘無可爲計疾馳至通州而籍沒之令下族屬無噍類兼及朱岫岫湖濱人家故微賤以入貲貢凡商賈經營無不貸其金冀三倍之息以此自雄其視令長茂如也言利析秋毫而于文墨之事則無涉也亦以得罪歸安令指爲逆書有名并其三子俱就逮家人鳥獸散封樁庫廩盡入于官左黃知事不可爲恐累及親鄰遂自呈身是時部撫司道郡縣守令僚佐俱在潯鎮以民居作公館者十有一所聞左黃歸蜂擁之去絕無他言惟有版命投誠而已惟力辨與朱岫父子無涉始終無異詞當事者莫不偉之至于朱岫素行以貲傲睨一世父子駢戮妻

南潯志

卷四十二

大事記一

古

孥皆徙極邊非不幸也 莊氏居潯未久因其饒于貲故世情不替初發難爲歸安縣令吳姓故墨吏也不過爲恐喝之詞以幸升斗耳而君維卽挾書入長安草疏欲上陳輦下諸公曼詞慰遣之時予居西村君維歸以疏稿示余自以爲無恙矣而墨令乃摺撫其書中悖亂之語以達於部使者部使者不敢隱上之於朝而獄不可解矣 或問逆書致罪之由余不知其細但聞之前人曰如書中所云王某孫壻卽清之 德祖所云建州都督卽清之 太祖也而直書名又云長山峽而銳士飲恨於沙嶙大將還而勁卒銷亡於左衽如此之言散見於李如柏李化龍熊明遇傳中又指孔耿爲叛又自丙辰迄癸未俱不書清年號而於隆武永曆卽位之正朔必大書特書其取禍之端有

如此況無志表帝紀世家止有列傳卽王陽明一傳有上下卷共三百餘頁其冗長無體裁可知已所謂三長五難者安在也

事在辛丑之春決獄在癸卯之秋潘吳諸子在獄日以賦詩爲事時余寓鳧溪而戴子芸野笠館于廟址之南相距里許時相過從得見諸子傳出音訊詩篇及旣授命芸野爲潘吳立傳獨于左黃則言其少年遊冶至于慷慨激烈力辨朱岫之寃則未之悉也余爲備述其故芸野始爲改竄成篇是夜余夢已身在一荷亭之上左黃在水次搏顙謝余余急起掖之則已沈水中矣次日與芸野言其嗟異之 蔣西宿麟徵一字轅文爲蔣儀仲之子姬載先生之猶子也詩文敏妙風儀秀穎莊氏招之初不願就爲貧所累不得已而赴命之作文不容留稿恐其竊

南潯志

卷四十二

大事記一

五

歸也并禁其出入苦不可言痛哭辭去後竟及難 張文通館于莊氏草稿皆作細楷時子相已死矣張以有明一代理學諸儒無人作傳故勉應之亦不虞其至是也聞其膝上有淡墨痕成都楊慎四字 張非仲雋一名僧願一字文通爲博士弟子員于經史百家無不得其旨趣所與遊皆名彥樓居積書甚富手錄者千餘卷擁列左右已則坐臥其中後爲莊氏所招作有明理學諸人傳其稿另錄出名曰與斯集禍未發時已知其非逃於僧舍年已七十餘丁母憂熒然縞素有詩云空樓獨夜雨牀牀卻把平生細較量災異日新憂患短悲歌不足寤思長曾無入巷哀王烈徒有拋娘學范滂好个與斯題目在輕謳緩板赴排場就逮時談笑自若與潘吳諸人同死所著有西廬詩草

四卷 董誦孫二酉少有神童之名學問淵博與周安節善倡和甚勤詩箋書法亦精妙史事發時沒已三年矣發冢斫棺甚慘子濯萬與沂九歲有感懷五言古詩四章顧茂倫爲之跋亦英品也及禍至從容就縛士林惜之 潘力田檀章居平望藏書千卷善著述有松陵文獻十卷今樂府二卷行世與吳赤溟炎有志作史而未敢商之牧齋先生深許之亦有成書其就莊氏之請非所願也授命之際談笑自若真傑士云 韋元介全社一字真長弟次申全祐進士青岑明傑之子也祖鏡臺先生精岐黃之術元介先卒次申被難 茅鼎叔元銘鹿門先生之孫也以明經爲學博少有文名試每高等與章諤臣上奏陳閭仙騮吳大雍盤四子齊名僞書編纂僅數月耳已而之任逮於

南潯志

卷四十二

大事記一

六

任所 南昌黎博庵元寬督學兩浙年高望重逆書有名督撫移檄兵圍其第全家抄沒 茗城李霜回令哲逆書有序被逮時適其家有慶祝之事親族七十餘人悉被擒至官以漸訊免 吳心一者潯上董氏之僕也少時竄身徐氏欲讀書退周先生怒之必欲令入府供灑掃之役此子徒跣哭請于先祖遂受業門下得列青衿聞莊氏有史事心艷之得列名其中亦被慘戮曾有唐詩之選吳方輪系爲之序幸都尊廖公昭雪得以無恙 刻工湯達甫刷匠李祥甫亦爲饑所驅禍亦及之 齊康成治爲博士弟子好學能詩子相以脯修招之其約已具二十四金矣後批曰果能專精勤敏則願加六金遣僕送至齊覽而訝之遂堅不赴以免于禍後以資爲學博 潘友龍爾夔慷慨

有風致能文工書莊氏慕之列其名于簡端偶與君維有財帛
交以致詬君維怒削其名得不罹禍 所列纂錄諸子與余有
交故略序其概其餘不相知者不及錄也

王廟
碑

按湯達甫旌德人見
順治十五年重建張

南潯志卷四十二終

南潯志

卷四十二

大事記一

七